

根本薩婆多部律攝卷第十一

卑

尊者

勝友

卑

唐三藏法師義淨奉制譯

非時食學處第三十七

爾時薄伽梵在室羅筏城給孤獨園時十七

衆苾芻遇緣斷食便詣俗舍而行乞食既得
食已非時而敢因長貪招譏制斯學處

若復苾芻非時食者波逸底迦

言非時者有二分齊一謂過午二明相未出

言食者謂是時藥可噉嚼物於非時作非時

想疑若噉咽時便得墮罪時非時想疑得惡
作罪時與非時作時想者無犯若有病緣醫
人遣非時食變食肉者應取牛糞中穀麥磨
以爲麩與彼令食材糞中肉非時聽噉若此
等物病猶不差要食好方除疾者應於屏
處隨所須食而授與之贍部洲人向餘三洲
及往天上應依本處時量而食頗有無病苾
芻在南贍部非時食敢得無罪耶有謂東西
兩洲苾芻來此依彼時分而食應知食時所
有行法若大衆多於日時候難可知者佛言

食時欲至先鳴捷椎長打一通更打三槌總名三下衆既聞已各淨洗浴及諸大衆共浴尊像有病苾芻即應請食授事苾芻亦聽先歎次打三通更打三下總名長打大衆方食若聲小不聞應打大鼓或吹雙螺凡讀經浴像及洗浴時皆打三下打捷椎法復有五種若常集衆者長打三通大打三下若寺家營作長打三通大打兩下若苾芻死長打一通漸細便絕若坐禪處應搖錫杖警覺時衆若遭賊時欲令人覺任打多少大衆集會行食

難者隨處分坐於上座前各安飲食若恐行食不均平者其檢校人隨行觀察若行食人少檢校苾芻受取飲食應可共行不得兩人同一盤食若於行路無器可求共食非犯或共求寂同食亦聽苾芻先受取食持器勿放然後同食若有淨人須與食者應遙擲與若眷屬父離相遇心喜欲同食者屏處共食准求寂法苾芻惟著下裙上無衣者不應歎食若病羸老上著小僧脚崎或貫偃帶屏處而食若此亦不能著者隨時將息但著下裙屏

處而食若金銀水精及瑠璃器並不應用若在天龍藥叉所居之處無器可求隨意用食若食時衆人坐定未唱時至不應行食乃至一七鹽亦不應受受者得越法罪若行食人不解者上座教唱上座若忘次座應教噉食之時不應隨情輒索飲食若火力微者得索熟果若少壯者隨意取生設有須索應小作聲食時踞坐好整威儀不應顧視當生耽想住於正念無掉亂心然後方食若異此者得越法罪若食了時所有餘食不應輒棄應與

父母等若俗男女來乞食時應自防心隨有而惠若傍生類應施一掬安鉢草葉不應足蹈不脫鞋履亦不應食若是病人忍身有損應踏皮革屣上若食脆鞭餅果不應作聲應須潤濕薄粥欲不得作聲若蘿菔等肆破應食若在俗家上座食竟洗漱既了應復本座爲說施頌說施頌時若聞聲者即不應食若忍時過食亦無犯或聽一兩伽陀然後更食爲上座者常應觀察上中下座勿令忽遽食不飽足若食了時取一掬食以水洗之隨

食曾觸食學處第三十八

佛在室羅筏城給孤獨園時哥羅苾芻乞食而食所有餘食遂即暴乾風雨之時水漬而食由此非法制斯學處

若復苾芻食曾經觸食者波逸底迦

意而棄以施傍生若有施主來請僧時應先行籌知數方報臨到食時更有客來或於數內有人他行應報施主若臨食時欲出行者應留待食然後聽去若多客來飲食少者上座應令平等而與若食多者隨彼施主多少行之若大眾食了施頌復訖應住少時觀望施主若欲聞法應為宣說若無心者隨意而去苾芻食訖皆應誦念一兩陀羅尼報施主恩亦不應發邪惡之願為斷煩惱求解脫故如上所說不依行者咸得惡作

曾經觸者謂是自手先曾執捉或留經夜擬自取食然曾經觸有其二種一謂中前從他受得齊日中時二謂中後受得齊初夜時過此限分若更食者得波逸底迦若不受而觸齊時分內食者得惡作罪是名輒觸若過時

分又得曾觸波逸底迦曾觸想疑波逸底迦
次二句輕後二無犯若在吐洲曾觸輒觸不
受並皆無犯由彼於物無彼我心或於彼取
向餘處者亦無有犯若苾芻於三處有曾觸
過謂由僧祇及由苾芻并授學人若苾芻尼
於四處有曾觸過謂式叉摩拏以爲第四望
二種人無曾觸過一無羞恥人謂不畏罪二
有羞慚忘失正念若於求寂等有希望心持
食與彼欲至食時還有希望心得一惡作食得
墮罪有望心與無望而食但得惡作無望而

與有望而食惟得墮罪俱無希望食之無犯
若曾觸鉢匙盞鉢倅并支伐羅水瓶錫杖乃
至戶鑰相染觸物及以觸口觸手而飲噉者
咸得墮罪苾芻若欲飲水噉食時與非時皆
須以水再三漱口方可飲噉若不爾者得惡
作罪若是病人無可得處曾觸蘇等食亦無
罪瀉水乳時流注向下承之以器與觸食相
連苾芻疑不敢食佛言水等下流食之無犯
在路行時所有糧食若求寂等力弱無堪不
能持者應以繩繫令彼持繩方爲擎舉及以

扶下並皆無犯或令彼持繩暫爲擎食令其
憇息彼緣賊怖棄食逃走可自持行無觸宿
過若越河澗無餘可求亦遣持繩共擎而渡
若此兩人無方得濟獨持而渡此亦非犯僧
紙米穀以車運載若車欲覆應共扶正若病
苾芻須乘此車者應避軸邊若乘船者應避
施處曬穀米等有難緣來若無人者應自收
內若行險路無人可求若有食糧應自持去
所到之處換易而食必無換人分爲二分持
一惠彼未近圓人持餘一分共易而食此亦

無者應一日中斷食而行至第二日食一虎
奉第三日中食二虎奉第四日已去隨意飽
食若其糧食中途罄絕見有飲食無未近圓
人可令授者縱不作淨及以不受或自上樹
打果而食並開無犯若僧伽鎗鑊內煎蘇乳
等湧沸流溢無人可使應自撓攬勿令棄失
若苾芻曬暴藥等難至無人設自擎舉無觸
宿罪凡因難事所有開緣至無難時皆不應
作若蘇瓶等謂是煮染瓶器誤觸著者無犯
若錯持此瓶欲上閣者若未半閣道應放置

地若行過半即應擎出凡飲非時漿先須洗手漱口令淨然後飲之若異此者得惡作罪

然於口中常令津觸欲求極淨此故無緣應以澡豆及瞿摩等和水揩脣周徧令淨再三水漱飲時非犯若鉢中有隙者應再三洗之

而用若盛熱食有膩浮上者無犯若鉢隙中有宿餅粒應撻去之水滌再三設有餘津食

皆無犯苾芻及尼各有觸宿兩相換用者聽食若苾芻尼所有飲食苾芻爲舉作彼物心

尼將施時得食境想六句准上應思

不受食學處第三十九

佛在室羅筏城給孤獨園時哥羅苾芻多住深摩舍那處有諸俗人祠祭先靈所有飲食自取而食時俗譏謗云食人肉惡聲流布法衆慚恥世尊因制他授方食既甲有授人堪爲明證是時六衆受與不受並皆取食因其非法制斯學處

若復苾芻不受食舉著口中而噉咽者除水及齒木波逸底迦

不受者謂不從授學人苾芻尼式叉摩拏求

寂男求寂女并諸俗類而受得也若猿猴熊羆有智知受非受受者此亦成受受法有四一須作意二有授人三自手受四擲等置地手承一邊復有五種一身授身受二物授身受三身授物受四物授物受五置地受謂有方國嫌亞苾芻作漫荼羅置鉢於上遙而指授遣置其中復有五種受法一仰手受二者牀受三木枯受四衣角受五安鉢中受有五種不成受謂在界外若遙遠處若在傍邊若在背後或時合手與此相違便成受法時有

施主持諸供食列在衆前本心擬施家中火起棄食往救無人授食時將欲過佛言應作此洲心自取而食若受得食有不受食墮中若有淨人更令其授必無授者撥去食之若汁墮中多却方食若先受得小兒來觸更受方食有五種塵觸塵非觸塵淨塵不淨塵及以微塵若可了知應須更受復有五塵飲食衣華及以果塵咸須受食凡欲受食先須用心或置鉢中或承以葉遣令置此遂墮餘處更受方食授食之人不閑軌則而放盤上應

更總受亦不應自取持與淨人令授而食若是病人無人可得不受無犯凡看病人要須識知可不方與病人食言噉咽者謂在咽喉又灌鼻時先淨洗手從他受取然後灌之由其入口必呑咽故除水及齒木者水若渾濁鑒面不見亦令他授然諸濁水應用蒲萄及嬰糞子或以麩圍內濁水中水即澄清方堪飲用若鹹水鹹鹵水堪爲鹽用此皆須受若池河內有棄飯粒取水濾用無犯若水中有油酪膩津上覆應撓動濾用若行路中見有

轆轤汲水或用酩瓶皮倅盛水時及非時濾用無犯後爲難開不應常用有五瓶塊謂盛大小便及貯酒器此不應用應遠棄之盛蘇油瓶火燒去膩牛糞淨洗時及非時咸皆得用或池水中浸之令淨若鉢中盛飯有鳥來啄去觜四邊隨意而食穢處蟾蠇觸食非犯諸盛水塊應用麩木爲蓋勿令蟲入若淨水瓶傍口上穴應用竹木蓋塞若瓶中水少恐洗手不足應用葉飲無人取葉用黃落葉此若無者就連枝葉或此亦無蹲居一處以瓶

注口隨意飲之用齒木法事亦應知謂於晨旦齧用之時得五種利一決除熱水二能蠲冷癬三令口清淨四樂欲飲食五能明眼目齒木有三種長者十二指短者八指二內名中齧用之時先以潔豆土屑淨洗手已次洗齒木然後齧之若齧了已水洗方棄若乏水處於沙土中揩已而棄此由苾芻於前生中曾作毒蛇齧齒木時不洗而棄有蟲附近中毒而死因斯世尊制洗方棄然棄齒木及湊唾等應於屏處再三彈指聲歎然後方棄若

常行處若是淨地若好樹邊少在老前咸非齧處有三種事應在屏處謂大小便及齧齒木若老病者畜承水器此若無者應臨水寶齧頭寸許令使柔軟然後徐徐揩齒斷牙皆使周徧次用刮舌篦屈而淨刮勿令極利致使損傷應用竹木鉤石銅鐵除諸寶物餘皆聽作若無篦者應擘齒木爲兩片已更互相揩准前應用若卒無齒木應用豆屑或乾牛糞淨洗口唇然後方食若食了已事亦同然乃至未將淨水洗漱口內食津不應輒咽此

中犯者不受不受想或復生疑惑得墮罪次
二句輕後二無犯若行食人少俗家蘇蜜等
瓶如法受已苾芻應行若僧家器物則不應
觸行餅果等所有筐籠苾芻先受俗人後捉
如其欲放苾芻在前俗人在後苾芻行時先
已成受俗人與者是新受得諸有新果分爲
三色謂上中下行時間取勿使不平放果盂
中墮向餘處齊手及處自取而食此已成受
如若更遠重應受之
索美食學處第四十

佛在劫毘羅筏窪觀國時六衆苾芻受大名
施主請既至宅已見其所設無堪食者遂詣
餘家求乞美膳得乳酪等飽足食已還至其
舍更不能食因生譏議制斯學處

如世尊說上妙飲食乳酪生蘇魚及肉若苾
芻無病爲已詣他家乞取食者波逸底迦
他家者非親族也乞者他不先許無病而乞
無病而食得波逸底迦及惡作罪無病從乞
有病而食乞得小罪食時無犯有病從乞無
病而食乞時無犯食得墮罪第四無犯若乞

食時欲得餘物者他持食與報言姊妹我飯已足若彼問言更何所須者即便隨情所欲從乞者無犯若彼施主告苾芻曰有所須者隨意可索或乞酪漿彼便施酪或從天龍藥叉含乞求皆無犯

第五攝頌曰

蟲水二食舍 無服徃觀軍 兩夜覲遊兵
打擬覆麤罪
受用有蟲水學處第四十一
佛在憍闍國時闍陀苾芻受用水時害衆

生命故制斯學處

若復苾芻知水有蟲受用者波逸底迦言受用者有二種受用一內受用謂供身所須二外受用謂洗衣鉢等前之學處爲營作故局澆泥草今此通論隨何受用若苾芻以

貪瞋等心或由忘念或由渴乏受用蟲水不問多少或觀不觀有蟲無蟲作有蟲想心無慚恥而不濾灑於瓶等中乃至飲一掬便得墮罪有說隨以瓶等取水之時若用盡者方得墮罪若起心欲取得責心惡作已起方便

得對說惡作諸墮罪處類此應知始終忘觀亦得惡作境想六句四犯二非犯有說於無蟲水作有蟲想亦得墮罪有五種眼不應觀水一患瘡眼二睛翳眼三狂亂眼四老病眼五天眼由彼天眼與人事不同故不許觀齊幾許時應觀其水謂六牛竹車迴轉之頃或心淨已來觀知無蟲設不濾漿飲亦無犯不觀不濾咸不合用應知濾物有其五種一謂方羅二謂法瓶三君特迦四酌水羅五謂衣角若苾芻無濾羅等不應往餘村餘寺齊三

拘盧舍若所到之處知無闕乏不持去者無犯謂知彼僧祇恒有淨水若於河井先知無蟲若同行伴下至一人持羅而去然共行時應問彼云羅共用不或至別路或爾迴還能與我羅獨持去不如其許者可共俱往若不爾者不應共去若不問者得惡作罪若順河流齊五拘盧舍若不流河齊三拘盧舍雖無濾羅去亦無犯若順河流一度觀水無有蟲者齊一拘盧舍隨意飲用然須中間無別河入若不流水及逆流水一度觀時齊一尋內

得用有五種淨水一僧伽淨二別人淨三濾羅淨四涌泉淨五井水淨若知彼人是持戒者存護生命縱不觀察得彼水時飲用無犯凡一觀水始從日出迄至明相未出已來咸隨受用若取水時手捉濾羅久生勞倦應用三股立拒羅繫兩邊若水駛不停蟲多閼死應於羅中安沙若牛糞末承之令住若作毛枕銅枕緣穿三孔各安繩鎖繫在三竿其水羅角置之枕內下以盆器而承其水塹內觀蟲必須器滿若觀水時蟲細難見應草筵示

勿以指示取水既訖羅置枕中若近河池就彼傾覆必居原陸可放井中不得懸虛羅翻井上令蟲閼絕或致損生應罐爲放生器作小罐子上下各安兩鼻繫以雙繩羅覆此中淨水澆灑慇懃觀察知無蟲已正沉井內翻底拔之再三縱沒勿令蟲在羅須淨洗曬暴令乾若羅易壞者應以銅鐵瓦器底安華孔闊三四指高兩三指以絹或疊繩急繫之若於寺中安僧伽水塹應在便處并安木牀或爲輒座常應淨潔時時應以茅草洗刷勿令

垢穢若有臭氣於陰處曬乾若不淨手不應
輒觸若有飲緣須將去者或銅尾梳或於葉
內持去其行水人須著淨服勿以宿觸衣裳
觸其塹器諸小苾芻亦聽行水若有俗家來
甲一 借塹器應與故者不可與新苾芻借時隨意
十一 而與應以一房用貯器物銅器若少應共處
安如其多者別置一庫其故生雖一編亦得承水之挽或置羅中

有食家強坐學處第四十二

佛在室羅筏城給孤獨園時毘陀夷善解遂
相預識人情知彼男女欲行非法即爲女說

法而妨礙之由向俗家爲媱煩惱制斯學處
若復苾芻知有食家強安坐者波逸底迦
言知者識彼人心欲行交會有食家者女是
男之食男是女之食謂男女行交會時更相
受用故名有食強安坐者不問舍主自縱已
心故云強也此中犯者謂彼男女各有媱心
契合此時欲行交會苾芻染心強爲說法以
妨其事令他瞋恨在座坐時便得墮罪有食
有食想六句同前若天女及半擇迦等咸得
惡作爲賊所逐避難潛形無燭染心者無犯

有食家強立學處第四十三

佛在室羅筏城給孤獨園邬陀夷苾芻前入俗舍居門扇後自隱其身觀行惡法彼人知已遂便譏罵由詣他家及媱煩惱制斯學處若復苾芻知有食家在屏處^{單一}強立者波逸底

迦言屏處者謂惟有二人前隨屏露以坐爲儀此但據屏以立爲事乃至少時即得本罪若有難緣同前非犯

女食者波逸底迦

食已訖即以殘食與二無衣女人彼之二女一老一少不審觀察老與一餅少者與二老母語少者言彼與二餅意有所求汝今宜應備辦待之由外道事長物譏嫌制斯學處若復苾芻自手授與無衣外道及餘外道男女食者波逸底迦

言無衣者謂露形外道也言及餘外道者總收餘類自手與者謂親自手決心施與此中犯者謂是露形等外道男女受者現前苾芻授與或墮手內或落器中者波逸底迦若未

與無衣外道男女食學處第四十四

佛在室羅筏城給孤獨園時阿難陀苾芻飯

墮時得惡作罪由自手與彼生憍慢無羞慚故若不現前或時棄地先出其分後方食者咸得惡作境想六句如上應知若宗親若病苦與時無犯若欲出家與其共住如廣文說觀軍學處第四十五

佛在室羅筏城給孤獨園時勝光王嚴整軍旅將欲征討時六衆苾芻輒往觀察此由觀軍事情亂煩惱制斯學處

若復苾芻往觀整裝軍者波逸底迦

言整裝軍者欲將鬪戰也軍有四種謂象馬

車步此中犯者去寺不遠有大軍衆嚴整師族欲校兵旗苾芻往觀假使不校爲校而觀初見之時便得墮罪設方便時得多惡作若觀天龍阿蘇羅等軍亦得惡作乃至故心觀鶠等鬪竝惡作罪境想同前不犯者若賊軍欲至須往觀望知其遠近若乞食遇見若軍營近路若軍來寺中若有難緣縱觀見時無犯

軍中過二宿學處第四十六

佛在室羅筏城給孤獨園時勝光王勑命軍

族六衆見已遂久停留由觀軍事及掉亂心制斯學處

若復苾芻有因緣往軍中應齊二夜若過宿者波逸底迦

此中犯者相去不遠有整兵軍苾芻有緣受

詣謂彼或有衣利引起貪心而彼軍營或整不整作整兵心停留觀察至第三夜明相出時便得墮罪設方便時亦多惡作不犯者若爲王等之所拘礙若餘難事者無犯

動亂兵軍學處第四十七

佛在室羅筏城給孤獨園時六衆苾芻詣整兵軍所動亂兵戈象馬逃奔令軍憎怖事惱

同前制斯學處

若復苾芻在軍中經二宿觀整裝軍見先旗兵若看布陣者波逸底迦

平

十三

言整裝軍者謂是裝束臨將戰時言先旗者四種旗中見先引者何謂四旗一師子旗二大牛旗三鯨魚旗四金翅鳥旗兵者四種兵中見首出者言布陣者陣有四種一槊刃勢二車轅勢三半月勢四鵬翼勢言散兵者除

前所引餘雜兵戎此中犯者觀已整軍即得墮罪若未整軍得惡作罪若觀整軍乃至散兵者俱得墮罪餘並同前難緣非犯

打苾芻學處第四十八

佛在室羅筏城給孤獨園時邬陀夷因十七衆不隨其命遂便打之由伴屬事不忍煩惱制斯學處

若復苾芻瞋恚故不喜打苾芻者波逸底迦言打者若手指彈若脚指蹴若鞞瓦等若以草莖打著他者隨其所有手指多多少及以芥

子草莖數量還得爾許波逸底迦若不著者亦得爾許惡作之罪若殺心而打得窣吐羅言苾芻者若持戒若破戒有苾芻相起苾芻想或復生疑皆得墮罪若非苾芻作苾芻想疑或於柱壁或於餘事作掉亂心而打拍者咸得惡作無犯者不以瞋心為利益事

以手擬苾芻學處第四十九

緣與前同以手擬為異制斯學處

若復苾芻瞋恚故不喜擬手向苾芻者波逸底迦謂作打心而擬其手初舉手時便得本

罪若一舉手向多苾芻隨其多少准人得罪
若與苾芻相瞋恨時應往詣彼求其懺摩不
應瞋心未歇徃求辭謝彼亦不得同師子行
爲堅鞭心不相容恕若不肯忍應遣智人方
便和解速令諍息小者到彼瞋苾芻邊至勢

分時即應禮拜彼應云無病若見苾芻聞諍
之時無朋黨心而爲揮解俗人聞處不應住

看恐引爲證故如上所說不順行者咸得惡
作

覆藏他麁罪學處第五十

佛在室羅筏城給孤獨園時鄒波難陀犯僧
伽伐尸沙罪有達摩苾芻見恐其外說遂作
是言爾親教師我先知犯過惡揚善曾不語
人汝見我非理應藏覆達摩聞已向諸苾芻
說此由舊伴屬事覆藏煩惱制斯學處

若復苾芻知他苾芻有麁惡罪覆藏者波逸
底迦

知者謂自見知或因他說言苾芻者若持戒
若破戒有苾芻相皆曰苾芻言麁惡罪者謂初
二部及此方便覆藏即是掩覆其過此中犯

者若見聞作覆藏心至明相出便得墮罪自餘諸犯覆皆惡作破戒人邊設令發露不成發露境想准知無犯者若說他時令自不安若命梵難若破僧因緣爲護此故覆皆無犯

第六攝頌曰

伴惱觸火浴

同眠法非障

未捨求寂染

收寶極炎時

共至俗家不與食學處第五十一

佛在室羅筏城時鄒波難陀與達摩苾芻先

有嫌惡便以美言誘說將至俗家遂不與食

令彼饑乏由伴屬事不忍煩惱制斯學處

若復苾芻語餘苾芻作如是語具壽共汝詣俗家當與汝美好飲食令得飽滿彼苾芻至俗家竟不與食語言具壽汝去我與汝共坐共語不樂我獨坐獨語樂作是語時欲令生

惱者波逸底迦

言俗家者謂婆羅門及餘俗家言令得飽滿者意欲不與飲食令受饑餓此中犯者有苾芻相作苾芻想爲惱亂心他領解時便得墮罪若惱授學人及以餘人得惡作罪若在尼

寺若天廟處若外道家而惱亂者皆惡作罪
若隨醫教爲病令斷食者無犯

觸火學處第五十二

佛在王舍城因火燒樹熏出黑蛇諸苾芻見
皆悉馳走或以火頭而遙打擲因掉戲煩惱

制斯學處

若復苾芻無病爲身若自然火若教他然者
波逸底迦

言無病者若有病緣觸亦非犯言爲身者非
爲他也言自然者若吹令發燄若翻轉火薪

若教他然者謂令他然火若爲戲諳掉弄火
頭若作半月像若作車輪形凡諸觸火不在
時中若然若滅若忘念若掉舉若氣吹若投
薪若動柴炭繞動轉時皆得墮罪若不解方
言人若遺書等若現身相使然火時咸得惡
作若翻覆糠麩火或可於中燒餅而食雖在
時內無心守持若毛髮爪骨湧唾血等置火
中者咸得惡作無犯者謂在時中作心守持
言時者謂爲三寶駁波駄耶阿遮利耶若爲
諸餘同淨行者所有事業或時爲已熏鉢染

應作鐵鍊夜誦經時應炳燈燭所須燈樹應

作一重若是僧物聽作多重

衣熟諸飲食或寒或病所有營爲作心守持乃至事訖中間忘念觸時無犯言守持心者若欲觸火應心念云我今爲作如是事故須

觸此火及爲同梵行者若欲滅時應云爲無事故須滅若觸師子等得惡作罪作觸火想

有其六句後二無犯若放野火得窣吐羅罪

亦不應於石炭地上輒爾然火應將穢石厚布方燒若於廊廡及寺中庭然火之時勿令熏屋待煙並已方持入屋若營作人所須之木不應輒燒若輕損時得惡作罪爲翻火聚

根本薩婆多部律攝卷第十一

十八

音釋

嚼

疾雀切

椎

梵語也

此云磬

亦云鐘

隨

音

也

巨寒

地

履

居御

切

歡

欲

歡

鳴

者

皆曰椎

椎

巨寒

地

履

居御

切

歡

欲

歡

昌悅

切

歡

欲

吸

歡

呼

計

切

歡

欲

吸

歡

呼

計

切

歡

欲

吸

歡

呼

計

切

歡

欲

吸

歡

呼

計

切

歡

欲

吸

歡

呼

計

切

歡

欲

吸

歡

呼

計

切

歡

欲

吸

歡

呼

計

切

歡

欲

吸

歡

欲

吸

歡

欲

吸

歡

欲

吸

歡

欲

吸

歡

欲

吸

歡

欲

吸

永樂北藏

薩婆多部律攝

第八八册

魚斤切齒
根肉也
色角切齒
矛屬切齒
羊即切齒
麌也

窣蘇切骨
駛疾切流
建音走草
踴踏子六步
也切也
也切也

窄蘇切骨
駛疾切流
詣迄却
掣質涉也
掣質涉也

掣質涉也